

Ո՛չ այդպէս, այլ զդա յայտնագոյն սպանցուք ի կա-  
խազանի, որպէս զի խրատ լիցի ամենայն տեսողաց և  
լսողացն:

Եւ ի միւսում Եշիւ, որ օր ամսոյ Յունիսի ԻԸ-ն՝)  
եղև, հանեալ ի բանտէն և բազում հարց և փորձ ա-  
բարեալ եւ խրատ՝ ոչ հաւանեալ. եւ ի մեծամեծաց  
բազումս բան ձգեալ առաջի նորա ողորջական թէ կրկին  
դաւանեա՛ զնա մարգարէ և սիրելի Աստուծոյ: Եւ նա  
տվեալ զպատասխանին զայն խտագոյն թէ նա՛ կա-  
խարզ և սուտ էր՝ մոլորեցուցանողն զձեզ. հաւատ՝  
մերս հաւատ, որ Քրիստոս Աստուած արարիչ երկնի  
և երկրի, զոր դուք կուրացեալ էք ի լուսոյ նորա և  
խաւար ըզգեցեալ էք հոգով և մարմնով, զոր կայ ձեզ  
տանջանք անզերժ յաւիտեան և քրիստոնէիցն փառք  
յաւիտենական, զոր և ես յուսամ առ Քրիստոս Տէրն  
իմ, զի արժանի արասցէ լուսոյն իւրոյ: Ահա այլ ևս  
զի՞նչ ասէք, եղեալ էք զերկաթն ի պարանոցս և զձեռս  
կապեալ. ահա՛ կախազանն. հաւատ Քրիստոսի է հա-  
ւատ, զոր ես յուսամ գտանել ողորմութիւն ի նմանէ:  
Ոչ ժուժեալ զայս լսելոյ անօրինացն, յուսային եթէ  
դարձցի, այլ ոչ եղև ըստ նոցա կարծեացն, զի սա  
յոյժ խայտառակեաց այսքան բանիւքս: Եւ զիմեալք  
ի վերայ նորա՝ հանին զերկաթն ի պարանոցէն և ար-  
կին զպարանն և կախեցին զնա բարձրագոյն ի տես  
ռամկաց՝ խեղդամահ արարեալ չարաչար, զոր և նա  
աւանդեաց զհոգին առ Քրիստոս յոյսն ամենայնի,  
պարզ և զըւարթ երեսօք և ուրախացեալ կերպարա-  
նօք ի փառս Քրիստոսի Աստուծոյ մերոյ: Այս եղեւ  
Եշի Է-երորդ ժամու աւուրն. և զժ պահու ցերեկիւ  
եղև որոտ սաստիկ և հնչեաց հողմն և ամպոց խառ-  
նակումն մինչև երեկոյանալ աւուրս, և ի մտանել ա-